




Broj: 01- 05-5068/16
Datum: 31.08.2016.godine

GRAD SARAJEVO GRADSKO VIJEĆE
N/r Suljo Agić, predsjedavajući



PREDMET: Informacija

Postupajući po Zaključku Gradskog vijeća Grada Sarajeva broj: 01-02-1233/16 dostavlja se Informacija o Izvještaju o reviziji finansijskih izvještaja Grada Sarajeva za 2015. godinu.

U prilogu ovog akta dostavljamo "Očitovanje na preduzete aktivnosti na realizaciji datih preporuka po Konačnom izvještaju o reviziji finansijskih izvještaja Grada Sarajeva za 2015. godinu" (kopija), akt koji je upućen Uredu za reviziju institucija FBiH 22.07.2016. godine.

S poštovanjem,

GRADONAČELNIK
Prof. dr. Ivo Komšić

Prilog:

- Kao u tekstu

Dostaviti:

- Naslovu
- U spis
- a/a



Broj: 01-14-3725/16
Sarajevo, 22.07.2016. godine

**BOSNA I HERCEGOVINA
FEDERACIJA BOSNE I HERCEGOVINE
URED ZA REVIZIJU INSTITUCIJA FBIH
SARAJEVO
Ložionička 3
71000 SARAJEVO**

Predmet: Očitovanje na preduzete aktivnosti na realizaciji datih preporuka po Konačnom izvještaju o reviziji finansijskih izvještaja Grada Sarajeva za 2015. godinu

Poštovani,

U skladu sa Vašim dopisom broj: 05-14-3-643-3/16, od 06.06.2016. godine, šaljem Vam očitavanje na iskazano revizorsko mišljenje na finansijske izvještaje Grada Sarajeva za 2015. godinu i na preuzete aktivnosti na realizaciji datih preporuka po Konačnom Izvještaju o reviziji finansijskih izvještaja Grada Sarajeva za 2015. godinu:

- a) Očitovanje na iskazano revizorsko mišljenje na finansijske izvještaje Grada Sarajeva za 2015. godinu
1. Gradonačelnik je u više navrata u periodu 2013-2015 godine tražio od Gradskog vijeća donošenje Odluke kojom bi se uskladile plaće i naknade u Gradu Sarajevo sa Zakonom o plaćama i naknadama u organima FBiH, što smo Vam i dokumentovali prilikom očitovanja na Nacrt Izvještaja o reviziji finansijskih izvještaja Grada Sarajeva za 2015. godinu

Nakon neuspješnih pokušaja za usvajanje navedene odluke Gradonačelnik je tražio inspekcijski nadzor od strane budžetskog inspektora Ministarstva finansija Kantona Sarajevo, dopis broj: 01-14-1680/15, od 21.04.2015. godine (**dostavljen prilikom očitovanja na Nacrt Izvještaja o reviziji finansijskih izvještaja Grada Sarajeva za 2015. godinu**), koji je izdao Rješenje za usklađivanje plaća i naknada u Gradu Sarajevo sa Zakonom o plaćama i naknadama u organima FBiH (dostavljeno revizorskom timu tokom obavljanja revizije), sa rokom odmah. Na dalje, Gradonačelnik je, još jednom neuspješno, zatražio od Gradskog vijeća usvajanje usaglašene Odluke o plaćama i naknadama u Gradu Sarajevo sa Zakonom o plaćama i naknadama u organima FBiH (dostavljeno revizorskom timu tokom obavljanja revizije). Prije isplate plaće za januar 2016. godine Gradonačelnik je izdao Naredbu o obustavi isplate plaća i svih drugih naknada u Gradu Sarajevo do usaglašavanja Odluke o plaćama i naknadama u organima Grada Sarajeva sa Zakonom o plaćama i naknadama u organima FBiH. 24.02.2016. godine, usvojena je navedena odluka, sa primjenom od 01.01.2016. godine, kada je i isplaćena prva plaća, kao i ostale naknade za 2016. godinu po Odluci o plaćama i naknadama u organima Grada Sarajeva, usaglašenoj sa Zakonom o plaćama i naknadama u organima FBiH (**Odluka dostavljena prilikom očitovanja na Nacrt Izvještaja o reviziji finansijskih izvještaja Grada Sarajeva za 2015. godinu**).

2. Iznos od 1.400.000,00 KM planiran je u Budžetu Grada Sarajevo za 2015. godinu na poziciji 614400-Tekući grantovi javnim preduzećima i ustanovama, za Sufinansiranje funkcionisanja i planiranih aktivnosti -JP "Olimpijski bazen" Otoka. Olimpijski bazen Otoka je Gradu Sarajevo dostavio izvještaj za 2015. godinu, koji je usvojen 25.05.2016. godine na 39. sjednici Gradskog vijeća Grada Sarajeva (**Izvještaj dostavljen prilikom očitovanja na Nacrt Izvještaja o reviziji finansijskih izvještaja Grada Sarajeva za 2015. godinu**).

Grad Sarajevo i Olimpijski bazen Otoka su za 2016. godinu potpisali Ugovor o realizaciji Granta za tekuće poslovanje Olimpijski bazen Otoka d.o.o. Sarajevo u 2016. godini, kojim se Olimpijski bazen Otoka obavezuje da je o namjenskom utrošku doznačenih sredstava dužan nadležnim organima Grada podnositi mjesečne izvještaje, kao i godišnji izvještaj o namjenskom korištenju doznačenih grant sredstava (**Ugovor dostavljen prilikom očitovanja na Nacrt Izvještaja o reviziji finansijskih izvještaja Grada Sarajeva za 2015. godinu**). Ovim ugovorom je jasno precizirano da će se odobrena budžetska sredstva koristiti namjenski za funkcionisanje i planirane aktivnosti Olimpijskog bazena Otoka.

Od 01.01.2016. godine postupa se u skladu sa uslovima navedenog ugovora, dostavljaju se mjesečni izvještaji o namjenskom trošenju doznačenih grant sredstava.

3. Odlukom Gradonačelnika Grada Sarajeva broj: 01-34-4859/15 od 07.12.2015.godine o godišnjem popisu imovine i obaveza i osnivanju komisija za popis sredstava Grada Sarajeva za 2015.godinu, naloženo je izvršenje popisa imovine i obaveza sa stanjem 31.12.2015.godine, i to: stalna materijalna i nematerijalna sredstva, sitan inventar u upotrebi, novčana sredstva, potraživanja i obaveze.

Rješenjem Gradonačelnika Grada Sarajeva broj 01-05-4859-1/15 od 18.12.2015.godine imenovani su članovi pojedinih komisija za popis sredstava Grada Sarajeva sa stanjem 31.12. 2015. godinu.

Službena zabilješka predsjednice centralne komisije, kao i izvještaj centralne komisije, sa svim obrazloženjima, je dostavljena revizorskom timu u sklopu obavljanja revizije finansijskih izvještaja.

- b) Očitovanje na preduzete aktivnosti na realizaciji datih preporuka po Konačnom Izvještaju o reviziji finansijskih izvještaja Grada Sarajeva za 2015. Godinu

1. Obezbijediti saglasnost Gradskog vijeća na Pravilnik o unutrašnjoj organizaciji Stručne službe gradonačelnika Grada Sarajeva, u skladu sa članom 26. Statuta Grada Sarajeva:

Odjeljenje za pravne poslove Stručne službe Gradonačelnika Grada Sarajeva je još u fazi kada je navedeni izvještaj bio u formi Nacrta dostavilo Gradskoj službi finansija očitovanje u pogledu preporuka revizije koje su u svezi sa djelokrugom rada Odjeljenja za pravne poslove, pa smo tako u odnosu **na preporuku broj 1.** naveli da je Uredbu o osnivanju Stručne službe gradonačelnika Grada Sarajeva («Službene novine Kantona Sarajevo», broj 15/15), gradonačelnik donio temeljem izričitog ovlaštenja iz člana 18. stav 1 Odluke o organizaciji i djelokrugu organa uprave i upravne organizacije Grada Sarajeva („Službene novine Kantona Sarajevo“, broj 7/07), kojim je data mogućnost gradonačelniku da za obavljanje određenih stručnih, tehničkih i drugih poslova za potrebe organa Grada Sarajeva, izuzev poslova utvrđenih Odlukom

o osnivanju Službe Gradskog vijeća, posebnom uredbom osniva stručne, tehničke i druge zajedničke službe ili druga tijela, kao i člana 54. stav 2., tačka 3. Zakona o organizaciji organa uprave u Federaciji Bosne i Hercegovine („Službene novine Federacije BiH, broj 35/05), kojim je, između ostalog, propisano da gradonačelnik za svoje potrebe i potrebe gradskih organa uprave i upravnih organizacija osniva službe i druga tijela. Citiranim propisima osnivanje stručnih, tehničkih i drugih službi i tijela nije uslovljeno saglasnošću Gradskog vijeća.

Temeljem citiranih propisa gradonačelnik je donio Uredbu o osnivanju Stručne službe gradonačelnika Grada Sarajeva («Službene novine Kantona Sarajevo», broj 15/15), koja je u članu 13. regulisala da se unutrašnja organizacija Stručne službe utvrđuje Pravilnikom o unutrašnjoj organizaciji Stručne službe gradonačelnika Grada Sarajeva, kojeg donosi gradonačelnik.

Značajno je, isto tako, napomenuti, i da Zakon o principima lokalne samouprave u FBiH („Službene novine FBiH, broj 49/06), kao *lex specialis* u članu 15 daje izričito ovlaštenje gradonačelniku da utvrđuje organizaciju službi za upravu i drugih službi jedinice lokalne samouprave i donosi pravilnik o unutrašnjoj organizaciji službi jedinice lokalne samouprave bez saglasnosti vijeća, a članom 58. propisuje da stupanjem na snagu ovog zakona prestaju da važe odredbe kantonalnih zakona o lokalnoj samoupravi i odredbe statuta jedinica lokalne samouprave koje su u suprotnosti sa odredbama ovog zakona, te smo obzirom na sve nsavedeno, predložili da Ured uvaži primjedbu Grada Sarajeva na Preporuku broj 1. i da izostanak saglasnosti Gradskog vijeća ne tretira kao propust ili nepravilnost.

Obzirom da je postupanje gradonačelnika u pogledu donošenja Pravilnika o unutrašnjoj organizaciji Stručne službe gradonačelnika Grada Sarajeva vršeno na temelju važećih propisa i da je svako suprotno postupanje nezakonito, a naročito cijeneći odredbe Zakon o principima lokalne samouprave u FBiH („Službene novine FBiH, broj 49/06), nije moguće provesti datu preporuku Ureda.

Odjeljenje za pravne poslove će, isto tako, a sa ciljem eliminiranja tretiranja ove pravne stvari kao propusta ili nepravilnosti uputiti dopis Federalnom ministarstvu pravde radi davanja mišljenja u vezi pravilne primjene Zakon o principima lokalne samouprave u FBiH u ovoj konkretnoj stvari.

2. Poduzeti sve neophodne aktivnosti kako bi se u što kraćem roku uspostavilo trezorsko poslovanje, u skladu sa Zakonom o trezoru:
 - Grad Sarajevo, odnosno Gradska služba finansija je nadležna za obavljanje poslova: upravljanje novčanim sredstvima, upravljanje računima, planiranje budžeta i novčanih tokova, upravljanje plaćanjima, centralizovani obračun plaća za sve uposlenike u Gradu Sarajevo, upravljanje računovodstvom i finansijsko izvještavanje o izvršenju budžeta. Služba finansija je nadležna i za izradu godišnjeg, kvartalnih i mjesečnih izvještaja, kao i za praćenje priliva i odliva sredstava na i sa računa. Grad Sarajevo ima nekoliko otvorenih bankovnih računa putem kojih se izvršavaju uplate prihoda i primitaka, isplate rashoda i izdataka, a to sve se evidentira u Glavnoj knjizi računovodstvenog programa koji koristi Gradska služba finansija, kao i sve ostale poslovne promjene. Pored Glavne knjige računovodstveni sistem posjeduje i pomoćne knjige u kojima se evidentiraju pomoćne računovodstvene radnje, koje su osnov za evidentiranje promjena u Glavnoj knjizi. Grad Sarajevo ima otvoren depozitni račun u poslovnoj banci, račun sa kojeg se izvršavaju nalozi za sva plaćanja, kao i namjenske račune za alociranje i dslociranje namjenskih sredstava po konkretnom projektu (po potrebi projekta).

Gradonačelnik predlaže budžet za narednu godinu, krajem tekuće godine, koji sa ili bez amandmana donosi Gradsko vijeće, do 31.03. naredne godine.

U 2016. godini je, u skladu sa Zakonom o javnim nabavkama FBiH, izvršena nabavka novog računovodstvenog programa, koji će omogućiti efikasnije praćenje alokacije sredstava, po raznim parametrima i filterima, u budžetu, kako pri planiranju budžeta tako i pri izvršenju budžeta. U toku je implementacija računovodstvenog programa, s ciljem prilagođavanja potreba Grada Sarajevo.

3. Ukoliko se u toku budžetske godine povećaju rashodi/izdaci, odnosno smanje prihodi/primici poduzeti mjere za uravnoteženje budžeta, u skladu sa članom 37. Zakona o budžetima u FBiH:
 - Gradonačelnik je, u skladu sa svojim nadležnostima, 28.09.2015. godine Gradskom vijeću uputio Prijedlog Odluke o izmjenama i dopunama Budžeta Grada Sarajevo u skladu sa znatno manjim ostvarenim prihodima u odnosu na planirane, koji je Gradsko vijeće razmatralo na oktobarskoj Sjednici Gradskog vijeća, ali koji Gradsko vijeće nije usvojilo, iz čega je očito da je Gradonačelnik preduzeo mjere za uravnoteženje budžeta, u skladu sa članom 37. Zakona o budžetima u FBiH. Takođe, Gradonačelnik je, iako Gradsko vijeće nije usvojilo Prijedlog Odluke o izmjenama i dopunama Budžeta Grada Sarajevo, postupao u skladu sa Zakonom o budžetima u FBiH, u okviru svojih nadležnosti, izvršavajući budžet za 2015. godinu, po principu uravnoteženja budžeta, završivši 2015. godinu pozitivnim rezultatom, odnosno suficitom.
4. Preispitati sadržaj i opravdanost zaključenog Ugovora o poslovnoj saradnji sa Jp „Olimpijski bazen Otoka“ u smislu ukupne koristi i mogućnosti praćenja njegove realizacije:

Grad Sarajevo od nadležnih tijela preuzeo na upotrebu i održavanje objekt Vijećnice u Sarajevu, a koji je svečano otvoren za javnost 09.05.2014. godine. Objekat Vijećnica, radi svoje specifične prirode, funkcije i značaja iziskuje i dodatna finansijska sredstva za potrebe njegovog kontinuiranog održavanja i održavanja upotrebljivosti, kao i preduprijeđenja nastajanja bilo kakvih opasnosti po urušavanje njegovog fizičkog izgleda i unutrašnjosti, ugleda i značaja, te obezbjeđenja svih potrebnih uslova da sva zainteresirana javnost (domaća i međunarodna) ima mogućnosti za nesmetane posjete objektu. Imajući u vidu finansijsko stanje Grada, s jedne strane, kao i visinu finansijskih troškova i izdataka koje objekat Vijećnice iziskuje, s druge strane, nužno je da Grad obezbjedi dodatna finansijska sredstva za potrebe njenog održavanja, kao i da osigura potreban nivo fizičke zaštite cjelokupnog objekta, te ljudi i stvari u objektu.

Kako Grad Sarajevo ne posjeduje u dovoljnoj mjeri sve potrebne stručne i infrastrukturne kapacitete za obavljanje potrebnih poslova čuvanja i fizičkog obezbjeđenja stvari i ljudi u objektu Vijećnice, kao i samog objekta Vijećnice, zakupa, iznajmljivanja prostora i opreme u objektu Vijećnice, naplate ulaznica za posjetu objektu Vijećnice i naplate naknade za iznajmljivanje prostora i opreme u objektu Vijećnice, Grad Sarajevo je u formi notarski obrađene isprave sa punom dokaznom snagom i izvršnim naslovom sa JP "Olimpijski bazen Otoka" d.o.o., kao pravnim subjektom u 100% vlasništvu Grada zaključio Ugovor o poslovnoj saradnji broj: OPU-IP: 426/2015 od dana 07.05.2015. (anexiran dana 11.12.2015., br: 01-14-4961/15) kojim je preduzeću povjerio obavljanje navedenih poslova u ime i za račun Grada u skladu sa jasnim kriterijima i uputama Grada, bez naknade za njihovo preduzimanje i bilo kakvih upravljačkih ovlaštenja Preduzeća nad objektom Vijećnice, uz jasno regulisanje prava i obaveza ugovornih strana, a sve sa isključivim ciljem akumuliranja

finansijskih sredstava za potrebe upravljanja, održavanja i funkcionisanja objekta Vijećnice. Za potrebe razrade odredbi ugovora i bolju realizaciju donesen je i Pravilnik o utvrđivanju kriterija i postupku za jednokratno iznajmljivane prostora i opreme u objektu Vijećnice i organiziranju posjeta objektu Vijećnice, sa jasno definisanim obavezama ugovornih strana i procedurama u njegovoj implementaciji. Isto tako, Preduzeće se obavezalo da o izvršenim poslovima iz ugovora, mjesečno ili po zahtjevu gradonačelnika podnosi izvještaj o stanju izvršenih poslova, finansijski izvještaj o ukupno ostvarenim prihodima po osnovu zakupa, iznajmljivanja prostora i opreme u objektu Vijećnice i naplate ulaznica za posjetu objektu Vijećnice, te da će ukupne prihode ostvarene po osnovu preduzimanja poslova ugovora doznačiti na račun Gradske uprave Grada Sarajeva u mjesecu za predhodni mjesec, sa obaveznom naznakom: "prihodi od korištenja Vijećnice".

Tako prikupljeni prihodi se koriste isključivo, za potrebe upravljanja, održavanja i funkcionisanja objekta Vijećnice

Priliv sredstava, njihova akumulacija i potrošnja se prati od strane Službe za finansije Gradske uprave. U odnosu na navedenu Preporuku Ureda Odjeljenje je preispitalo još jednom sadržaj i opravdanost zaključenog notarskog ugovora i mišljenja smo da sa pravnog aspekta u smislu definiranja međusobnih prava i obaveza ugovornih strana nema spornih pitanja.

5. Preispitati opravdanost isplata na ime obilježavanja 8. Marta, završetka poslovne godine i „ostvarenih ušteda“ obzirom da isti nemaju karakter troškova nastalih za potrebe obavljanja redovnih poslova i zadataka Grada u kontekstu postojeće situacije u državi:

U članu 16. Općeg kolektivnog ugovora za teritorij Federaciji BiH ("Službene novine Federacije BiH" broj 54/05) predviđena mogućnost da poslodavac nagraditi i stimulise uposlenika povodom vjerskih, nacionalnih i državnih praznika, kao i po osnovu ostvarenih ušteda, racionalizacije i inovacija u procesu rada, kao i u članu 4. stav 2. Odluke o izvršavanju Budžeta Grada Sarajeva u kojim je propisano da je gradonačelnik naredbodavac za raspodjelu i utrošak sredstava utvrđenim u posebnoj dijelu Budžeta za Gradsku upravu i stručne službe u skladu sa dinamikom priliva sredstava i ovom odlukom. Razmatrajući budžetsku situaciju u Gradu Sarajevu u 2015. godini gradonačelnik je, po osnovu nagrađivanja i stimulacije povodom međunarodnog praznika 8 mart, odlučio da odobri novčana sredstva u visini od 100,00 KM, po uposleniku u organima Grada Sarajeva, tj. Gradskom vijeću Grada Sarajeva, Gradskoj upravi Grada Sarajeva i Pravobranilaštvu Grada Sarajeva, a cijeneći priliv sredstava, ostvarene uštede i princip *in favorem laboratoris*. Napominjemo i da je stupanjem na snagu Pravilnika o radnim odnosima, platama, naknadama i drugim materijalnim pravima državnih službenika i namještenika u Gradskoj upravi Grada Sarajeva broj: 01-05-2977/16 od 15.06.2016. godine isplata nagrada i stimulacija povodom praznika dobila i normativno uporište u članu 53. Pravilnika.

6. Naknadu članovima radnih tijela Gradskog vijeća utvrditi u skladu sa važećim propisima:
- Nakon neuspješnih pokušaja za usvajanje navedene odluke Gradonačelnik je tražio inspekcijски nadzor od strane budžetskog inspektora Ministarstva finansija Kantona Sarajevo, dopis broj: 01-14-1680/15, od 21.04.2015. godine (**dostavljen prilikom očitovanja na Nacrt Izvještaja o reviziji finansijskih izvještaja Grada Sarajeva za 2015. godinu**), koji je izdao Rješenje za usklađivanje plaća i naknada u Gradu Sarajevo sa Zakonom o plaćama i naknadama u organima FBiH (dostavljeno revizorskom timu

tokom obavljanja revizije), sa rokom odmah. Na dalje, Gradonačelnik je, još jednom beuspješno, zatražio od Gradskog vijeća usvajanje usaglašene Odluke o plaćama i naknadama u Gradu Sarajevo sa Zakonom o plaćama i naknadama u organima FBiH (dostavljeno revizorskom timu tokom obavljanja revizije). Prije isplate plaće za januar 2016. godine Gradonačelnik je izdao Naredbu o obustavi isplate plaća i svih drugih naknada u Gradu Sarajevo do usaglašavanja Odluke o plaćama i naknadama u organima Grada Sarajeva sa Zakonom o plaćama i naknadama u organima FBiH. 24.02.2016. godine, usvojena je navedena odluka, sa primjenom od 01.01.2016. godine, kada je i isplaćena prva plaća, kao i ostale naknade za 2016. godinu po Odluci o plaćama i naknadama u organima Grada Sarajeva, usaglašenoj sa Zakonom o plaćama i naknadama u organima FBiH (**Odluka dostavljena prilikom očitovanja na Nacrt Izvještaja o reviziji finansijskih izvještaja Grada Sarajeva za 2015. godinu**).


7. Utrošena budžetska sredstva u „Izgradnju bazena“ evidentirati na propisanoj poziciji, u skladu sa članom 74. Zakona o budžetima u FBiH u dijelu koji se odnosi na primjenu kontnog plana za budžetske korisnike:
 - Utrošena budžetska sredstva u izgradnju Olimpijskog bazena Otoka se u Glavnoj knjizi ne vode kao stalno sredstvo u pripremi. Naime, navedena sredstva su tehničkom greškom, formalno, od početka ulaganja budžetskih sredstava u Olimpijski bazen Otoka, evidentirana na kontu 011611, ali ne kao sredstvo u pripremi, već kao „Bazen“, i stalno sredstvo Bazen je 2008. godine stavljeno u upotrebu, i od tada se obračunava amortizacija na navedeno stalno sredstvo. U 2016. godini Gradska služba finansija je ispravila formalno tehničku grešku i stalno sredstvo Bazen je prebačeno na odgovarajuće konto 0112.
8. Rashode i izdatke iskazivati u obračunskom periodu kada je obaveza za plaćanje nastala, u skladu sa modificiranim računovodstvenim principom nastanka poslovnog događaja, u skladu sa članom 76. Zakona o budžetima u FBiH.
 - Rashodi i izdaci su iskazani u obračunskom periodu za kada je obaveza i nastala, odnosno kada nam je ispostavljena faktura od strane dobavljača, u skladu sa modificiranim računovodstvenim principom nastanka poslovnog događaja, u skladu sa članom 76. Zakona o budžetima u FBiH.
S obzirom da se ova preporuka odnosi na evidentiranje rashoda i izdataka u prethodnim periodima (2011..2014. godina), prije 2015. godine, što je dalo za rezultat neusklađenost stanja dobavljača i obaveza u 2015. godini, Gradska služba finansija je u 2015. godini, uložila ogromne napore i utrošila mnogo vremena kako bi ispravila prethodno evidentirane nepravilnosti. Rezultat toga je bila ispravka velikog dijela neusklađenih stanja obaveza, što će u potpunosti biti obuhvaćeno u 2016. godinu, uz po potrebi, prijedlog Gradske službe finansija o donošenju odluke o ispravci obaveza preko izvora sredstava i rezultata koji se odnose na prethodne periode.
9. Isknjižavane rashodovanih stalnih sredstava vršiti na osnovu prijedloga Komisije za rashodovanje stalnih sredstava, odnosno na osnovu realizacije odluke gradonačelnika o usvajanju prijedloga iste (uništenje, prodaja otpada, poklon), kako je to predviđeno postojećim propisima:

- Isknjižavanje rashodovanih stalnih sredstava u 2015. godini, koje se odnosi na popis za 2014. godinu je vršeno po Odluci gradonačelnika kojom je usvojio prijedlog Komisije za rashodovanje stalnih sredstava, nakon što je Komisija za rashodovanje stalnih sredstava predala stalna sredstva, koja je bilo potrebno rashodovati, firmi C.I.B.O.S., registrovanoj za preuzimanje i recikliranje elektronskog i električnog otpada (**Odluka o godišnjem popisu imovine i obaveza Grada Sarajeva za 2014. godinu, Izvještaj o radu Komisije za rashodovanje stalnih sredstava, lista stalnih sredstava za rashodovanje, ovjerena o strane firme C.I.B.O.S., potvrda o zbrinjavanju otpada firme C.I.B.O.S. dostavljena prilikom očitovanja na Nacrt Izvještaja o reviziji finansijskih izvještaja Grada Sarajeva za 2015. godinu**). Gore navedena isknjižena rashodovana sredstva u momentu rashodovanja nisu imala knjigovodstvenu vrijednost.

Iz navedenog konstatujemo da je isknjižavanje rashodovanih stalnih sredstava vršeno kako je predviđeno postojećim propisima.

10. Poduzeti sve zakonom propisane radnje radi naplate potraživanja po osnovu ugovora ili bilo kojeg drugog potraživanja po osnovu javnih prihoda, a za nenaplativa potraživanja predložiti nadležnom organu njihov otpis, u skladu sa članom 46. Zakona o budžetima u FBiH:

- S obzirom da se ova preporuka odnosi na evidentiranje potraživanja u prethodnim periodima (2011..2014. godina), prije 2015. godine, što je dalo za rezultat neusklađenost stanja potraživanja u 2015. godini, Gradska služba finansija je u toku analiziranja osnova evidentiranih potraživanja u prethodnim periodima što će u cijelosti „isčistiti“ u 2016. godini i dostaviti prijedlog Gradske službe finansija o donošenju odluke o eventualnoj ispravci potraživanja preko izvora sredstava i rezultata koji se odnose na prethodne periode.



Dostaviti:

- Naslovu
- Gradskoj službi finansija
- a/a



Odbor za budžet i finansije

Broj: 02-02-1543-2/16

Datum: 11.10.2016. godine

Odbor za budžet i finansije Gradskog vijeća Grada Sarajeva, na sjednici održanoj 11.10.2016. godine, u funkciji pripreme za 43. sjednicu Gradskog vijeća Grada Sarajeva, razmatrao je:

3. Informacija o Očitovanju na preduzete aktivnosti na realizaciji datih preporuka po Konačnom Izvještaju o reviziji finansijskih izvještaja Grada Sarajeva za 2015. godinu

i podnosi Gradskom vijeću Grada Sarajeva sljedeći:

IZVJEŠTAJ

Informacija o Očitovanju na preduzete aktivnosti na realizaciji datih preporuka po Konačnom Izvještaju o reviziji finansijskih izvještaja Grada Sarajeva za 2015. godinu

Poslije uvodnog izlaganja i rasprave, te sažetka Predsjedavajućeg, jednoglasno su usvojeni sljedeći **zaključci**:

1. Odbor za budžet i finansije je primio k znanju Informaciju o Očitovanju na preduzete aktivnosti na realizaciji datih preporuka po Konačnom Izvještaju o reviziji finansijskih izvještaja Grada Sarajeva za 2015. godinu i predlaže da se Gradskom vijeću ova informacija uputi kao informativni materijal.
2. Odbor za budžet i finansije konstatira da je razmatrani materijal već dostavljen Uredu za reviziju institucija Federacije BiH.
3. Odbor za budžet i finansije konstatira da razmatrano očitovanje nije cjelovito, budući da ne sadrži očitovanje o svim preporukama Ureda za reviziju institucija Federacije BiH.
4. Odbor je stava da, prije upućivanja materijala Gradskom vijeću, u smislu realizacije zaključka Gradskog vijeća kojim je traženo da se Gradskom vijeću dostavi program mjera za izvršenje preporuka Ureda za reviziju institucija FBiH sadržanih u negativnom revizorskom izvještaju, razmatrani materijal metodološki izmijeni tako da sadrži dokaz o realizaciji svih preporuka revizije, odnosno program mjera koji će se poduzeti kako bi se izvršile preporuke revizije koje nisu izvršene, sa subjektima i rokovima za realizaciju potrebnih mjera, a sve s ciljem dobivanja narednog pozitivnog izvještaja revizije.

PREDSJEDAVAJUĆI ODBORA



Jusuf Lošić, s.r.



Administrativna komisija

Broj: 02-02-1542-2/16

Datum: 11.10.2016. godine

Administrativna komisija Gradskog vijeća Grada Sarajeva, na sjednici održanoj 11.10.2016. godine, u funkciji pripreme za 43. sjednicu Gradskog vijeća Grada Sarajeva, razmatrala je:

3. Informacija o Očitovanju na preduzete aktivnosti na realizaciji datih preporuka po Konačnom Izvještaju o reviziji finansijskih izvještaja Grada Sarajeva za 2015. godinu

i podnosi Gradskom vijeću Grada Sarajeva sljedeći:

IZVJEŠTAJ

Informacija o Očitovanju na preduzete aktivnosti na realizaciji datih preporuka po Konačnom Izvještaju o reviziji finansijskih izvještaja Grada Sarajeva za 2015. godinu

Poslije uvodnog izlaganja, rasprave i sažetka Predsjedavajućeg, jednoglasno je usvojen sljedeći **zaključak**:

Administrativna komisija je primila k znanju Informaciju o Očitovanju na preduzete aktivnosti na realizaciji datih preporuka po Konačnom Izvještaju o reviziji finansijskih izvještaja Grada Sarajeva za 2015. godinu i predlaže da se Gradskom vijeću ova informacija uputi kao informativni materijal.

PREDSJEDAVAJUĆI KOMISIJE



Jusuf Lošić, s.r.